
Cylch Gorchwyl Bwrdd Llywodraeth Cymru

Aelodaeth a Rôl

Mae'r Bwrdd yn goruchwyllo llywodraethiant a strategaeth sefydliadol ar ran Llywodraeth Cymru. Mae'n eistedd ochr yn ochr â'r Pwyllgor Gweithredol ac yn darparu cyngor, her a sicrwydd strategol ar gyfer y sefydliad. Mae aelodau'r Bwrdd yn cael eu penodi gan yr Ysgrifennydd Parhaol yn unol ag arferion gorau'r Gwasanaeth Sifil. Mae manylion yr aelodau presennol i'w gweld yn **Atodiad A**.

Rôl y Bwrdd yw darparu:

- Sicrwydd i'r Ysgrifennydd Parhaol wrth iddi arfer ei swyddogaeth fel Prif Swyddog Cyfrifyddu. Dylai'r Bwrdd ei chefnogi i sicrhau bod y sefydliad yn gweithredu i'r safon uchaf o lywodraethiant, rheolaeth ariannol, ac wrth reoli risgiau a phrosesu cyfrifon blynyddol.
- Cyngor strategol ar gyflawni blaenoriaethau'r Llywodraeth yn unol â'r amcanion yn Neddf Llesiant Cenedlaethau'r Dyfodol. Mae'r rhain yn cynnwys Ymrwymadau Maniffesto'r Prif Weinidog, *Symud Cymru Ymlaen* a'r strategaeth genedlaethol, *Ffyniant i Bawb*.
- Her i'r sefydliad a chynghor i'r Ysgrifennydd Parhaol ar strategaeth a dylunio sefydliadol a chynllunio'r gweithlu er mwyn sicrhau bod y sefydliad yn parhau i fod yn addas at y diben, bod ganddo adnoddau digonol a'i fod yn hybu cydraddoldeb ac amrywiaeth drwy'r sefydliad cyfan.

Dulliau gweithredu

- Mae'r Bwrdd yn cyfarfod yn ffurfiol unwaith bob chwe wythnos, ac o bryd i'w gilydd bydd yn cynnal sesiynau gweithio llai ffurfiol.
- Caiff papurau'r Bwrdd eu cylchredeg bum diwrnod gwaith cyn ei gyfarfodydd, ac mae'r cofnodion yn cael eu hanfon at yr aelodau o fewn deng niwrnod gwaith i ddyddiad cyfarfod.
- Disgwylir i aelodau'r Bwrdd gadw at God Ymddygiad Aelodau'r Bwrdd. Gweler **Atodiad B**.

Strwythur yr Is-bwyllgorau

- Mae gan y Bwrdd ddau is-bwyllgor: Pwyllgor Tâl yr Uwch-wasanaeth Sifil a'r Pwyllgor Archwilio a Sicrwydd Risg (a'r ddau yn cael eu cadeirio gan Gyfarwyddwr Anweithredol). Mae diagram o'r strwythur i'w weld yn **Atodiad C**.
- Caiff y Bwrdd hefyd sefydlu grwpiau ad-hoc, yn ôl yr angen, i gyflawni blaenoriaethau corfforaethol allweddol.

Atodiad A

Aelodau'r Bwrdd

- Shan Morgan, yr Ysgrifennydd Parhaol
- Gareth Lynn, Cyfarwyddwr Anweithredol
- Ann Keane, Cyfarwyddwr Anweithredol
- Ellen Donovan, Cyfarwyddwr Anweithredol
- Jeff Farrar, Cyfarwyddwr Anweithredol
- Andrew Goodall, Cyfarwyddwr Cyffredinol - Iechyd a Gwasanaethau Cymdeithasol
- Tracey Burke, Cyfarwyddwr Cyffredinol - Addysg a Gwasanaethau Cyhoeddus
- Andrew Slade, Cyfarwyddwr Cyffredinol - yr Economi, Sgiliau a Chyfoeth Naturiol
- Desmond Clifford, Cyfarwyddwr Cyffredinol Swyddfa'r Prif Weinidog a Brexit
- Jeff Godfrey, Cyfarwyddwr Gwasanaethau Cyfreithiol
- David Richards, Cyfarwyddwr - Llywodraethu a Moeseg
- Peter Kennedy, Cyfarwyddwr Adnoddau Dynol,
- Natalie Pearson, Pennaeth Datblygu Sefydliadol ac Ymgysylltu
- Gillian Baranski, Hyrwyddwr Cydraddoldeb ac Amrywiaeth y Bwrdd
- Gawain Evans, Cyfarwyddwr Cyllid
- Robin Bradfield, Ochr yr Undebau Llafur (Cadeirydd TUS)*
- Charlotte Thomas **
- Charlotte Cosserat **
- Francesca Hill **

*Fe'i gwahoddir bob 6 mis ac ar gyfer unrhyw sesiynau lle ceir eitemau perthnasol.

** Aelodau o'r Bwrdd Cysgodol a fydd yn mynd i'r cyfarfodydd yn eu tro.

Cod Ymddygiad Aelodau'r Bwrdd

Ymddygiad Cyffredinol

- Dylai aelodau'r Bwrdd:
 - roi blaenoriaeth i fynychu cyfarfodydd y Bwrdd, gan eu mynychu mewn modd amserol. Dylent roi gwybod i'r Ysgrifenyddiaeth ymlaen llaw os nad ydynt yn gallu mynychu cyfarfod neu ran ohono;
 - penodi dirprwy addas i fynd yn eu lle, os nad ydynt fel aelod gweithredol o'r Bwrdd yn gallu mynd i gyfarfod eu hunain;
 - ymgyswddo'n llawn â manylion y busnes sydd i'w drafod cyn mynd i gyfarfod er mwyn cyfrannu'n llawn ac yn ystyrlon at waith y Bwrdd;
 - dangos parch at y Cadeirydd ac at eu cyd-aelodau, gan eu trin â chwarteisi bob amser;
 - sicrhau eu bod yn cydymffurfio â gofynion Safonau'r Gymraeg;
 - cadw at Egwyddorion Nolan.

Bod yn agored

- Mae agendâu, cofnodion a phapurau'r Bwrdd yn cael eu cyhoeddi ar y rhynggrwyd chwe wythnos wedi'r cyfarfod, yn unol â Chynllun Cyhoeddi Llywodraeth Cymru.
- Mae'r Ysgrifenyddiaeth yn cadw Cofrestr o fuddiannau preifat aelodau'r Bwrdd a bydd y gofrestr hon yn cael ei diweddarau bob blwyddyn.
- Os bydd gan aelod o'r Bwrdd bryder ynghylch gwrthdaro posibl rhwng ei fuddiannau busnes a'i fuddiannau preifat, bydd angen iddo ddatgan hyn yn y cyfarfod perthnasol. Caiff unrhyw ddatganiad o'r fath ei nodi yn y cofnodion.
- Bydd aelodau o'r Bwrdd yn trafod â'r Ysgrifennydd Parhaol cyn i unrhyw swyddi neu benodiadau newydd a allai gynrychioli gwrthdaro buddiannau gael eu gwneud.
- Mae'r costau sy'n cael eu hawlio gan aelodau'r Bwrdd, gan gynnwys y Cyfarwyddwyr Anweithredol, yn cael eu cyhoeddi ar safle'r Bwrdd ar y rhynggrwyd.
- Mae sylwadau ar y Bwrdd, ei aelodaeth a'i waith yn cael eu cynnwys yn rhagair yr Ysgrifennydd Parhaol i'r Cyfrifon Blyneddol.
- Cynhelir adolygiad blyneddol i asesu effeithiolrwydd y Bwrdd.

Atodiad C – Diagram o'r strwythur

Strwythur llywodraethiant

